



نارنج وادستان

جلد ۶ ۱۳۳۶

مجموعه

برکون بیلیر فیستی مجموعه مک اما
پاک چوق آرانیرا ورته ده مجموعه بولمنز

ایتدک شرف خدمت احداثی فراموش
آمارینه اسلافزک رغبت اولنیز

بناءً عليه حفيد عالیقدر لری محمد عطا بك افندینك بویولده برایضا حنامه یازمه لری بك بحق و طوغریدر . یزم كرك پرتو پاشا و كرك عاكف پاشا حقنده عالم ادبیاته ایتدكلری خدماتدن دولایی هر زمان حرمت مخصوصه من باقی و پایداردر .

تنویر تاریخی موجب اوله جنی جهته محمد عطا بك افندینك مقاله منصله لری بی مجموعه مزدن اعتباراً هر آی نشر ایدم جگیز .
 شاید عاكف پاشا عالمه سندن بر ذات فطانتها چیقوبده اوده عاكف پاشا حقنده بعض بحق شیر یازمه حق اولورسه بی طرفلغیز حسیه آئیده درج ایدم جگیز طبعیدر .

پرتو پاشا

پرتو پاشا مرحومك اصلی قریلی اولدینغی بعض مخالفلر یازارلر . از جمله مشارالیهك خصم جانی و دشمن بیامانی اولان عاكف پاشانك مرحوم مشارالیه علیه یازدینی (تبصره) نام فرض آلود رسالهده دیوركه :

«مقدما پاشای مزبوری [۱] ریاستنده ، سفرده و حضرده تربیت و استخدام ایله آمدجی او طه سنه چراغ ایدن غالب پاشا مغایرت مشرب جهتیه عمم مرحومی سومیهرك اوائل تشأتندن یعنی مکتوبی و آمدجی او طه سنده عمم [۲] خلفادن و غالب پاشا سر خلیفه بولندینی زماندن

[۱] پرتو پاشایی :

[۲] عاكف پاشا مرحومك همجه بی مصطفی . مظهر افندی ۱۲۲۱
 سنه سنده آمدجی ۱۲۲۴ ده رئیس الکتاب وکیل و سکره چاوشبانی و
 ۱۲۳۰ سنه سنده صدارت کتخداسی ۲۳۷ ده دفتردار شق اول اولش
 و پرتو پاشا مرحوم بوتاریخی انشاد ایلشدی :

جناب مصطفی مظهر افندی کرم کردار
 حساب پرفر حد رسایه سنده بیدزین هر کار

رقنچ تشکر اولدی دستنده فلم (پرتو)

دیدم تاریخ افندم حمد لله اوادی دفتردار

سنه ۱۲۳۲

تا وزارت نه قدر بتون وقتنی سوء معاملہ و اظهار غیظ و نفسانیتہ چورمش
اولدیندن بعد وفاتہما اونقد مشوش عدوان (البغضیتوراث) حکمنجہ
بوشر الحلف قریمی الاصلہ و عہم مرحومک حالی دخی بوفقیہ ناتوانہ
انتقال ایتمش و کتب اخلاقیہ مین اولدینی و جہلہ تاتار طائفہ سی قوت
قلب و غلظت طبع و شدت غدر و خیانتہ مجبول و شیمہ مروت و مودتدن
بی نصیب بر قوم مستحق الموم اولہ رقی) الی آخرہ، فسبحان اللہ بونہ قدر
صریح بر افترا . بر کرہ اسناد ایلدیکی شائبہ لردن بر وزیر صائب التدیبر
اولان صدر اسبق غالب پاشا مرحوم قاری اولقلہ برابر [۱] عجبا بر تو
پشانک دہ اصلنی و نسائی ہیج صورتوب تحقیق ایتمامشیدر . سنہ لرجہ
آمدی او طہ سندہ برابر بولنمش تا وفاتہ قدر آرقداشلق ایتمش اولدینی
حالدہ سلالہ سنی بیلمامک و تحقیق ایتمامک ممکن اولہ ماز . بونی پک اعلی
بیلبردی . اما دوفری بی سویلہ مک ایشنه کلامش و علیہندہ بر سوز
یولہ مامشندہ قریملی اولدینفی مقام تحقیردہ سویلہ مک ایستہ مشدر . حالبوکہ
بر تو پشانک پدری ابراہیم اقدی اولوب قوجہ امام دیملکہ مشہور
اولقلہ مرمرہ حوضہ سندہ واقع دارینجہ قریہ سندہ انشا ایتدیرمش اولدینی
جامع شریف حظیرہ سندہ مدفوندر . بو عبد عاجز قبرینی زیارت ایتدیکم کبی

۱۲۳۴ سنہ سندہ وفات ایلشدر . اسکداردہ سلیبیہ جامع شریف حظیرہ سندہ
مدفوندر مکلف مرقدی موجود، و مزین سنک مزارندہ نفیس خط ایلہ
ابیات تاریخیہ منقوشدر .

[۱] غالب پاشا مرحوم ۱۲۱۲ سنہ سندہ آمدی ۱۲۱۷ دہ تذکرہ
اول و ۲۴۱ دہ رئیس الکتاب و بعدہ توقیہ دیوان ہایون و ۲۲۲ دہ
ثانیاً رئیس الکتاب و صکرہ صدارت کتخداسی ۲۲۹ دہ ثالثاً رئیس الکتاب
و متعاقباً وزارتہ بولی والیسی اولوب بعدہ برچوق والیلکاردہ بولندی
۱۲۳۹ دہ صدراعظم اولدی . ۲۴۰ دہ عزل ایلہ ارضروم والیسی و شرق
مرحکری اولدی ۱۲۴۴ دہ رفع وزارتہ بالیکسریدہ اقامتہ مأمور ایدیلہ رک
و وصولی متعاقب ارتحال ایلشدر . مشار الیہک خط دستیلہ مزین و نصیحاتیلہ
موشح قرق ہارجمہن زیلہ لوایح و اوراق ملت کتبخانہ سندہ موجوددر .

مزاری دخی اليوم موجوددر. ايشته پرتو پاشا قریه مذکورده تولد
ایتمش اولدینی کبی بر جوق اقربا و تملقاتی مذکور قریه ده وجوارنده بولنان.
ککبوزه قصبه سنده ساکن اولد قلرندن احفاد لری بر حیات دراره مومی الیه
ابراهیم افندی بک پدری مصطفی افندی و آنک پدری حافظ عیسی افندی و آنک
پدری ده علمای بنامدن حمدالله افندی اولوب اجدادی سادات علویه دندر.
وقتیله نابلسدن قریه هجرت ایتمش لر آز مدت قریه ده اقامت ایتمکدن صکره
حمدالله افندی سلطان محمود خان اول حاضر تدرینه بر قصیده عربیه سوبلیه رک
اشبو قصیده منظور پادشاهی اولد قدن صکره با اراده سنیه وقتک شیخ الاسلامی
طرفندن استانبوله دعوت اولمش و کندوسیده بورایه کلمک اوزره
حاضر لاش ایسه ده عمری وفا ایتمدی کندن ارتحالی وقوعه مبنی کله.
مامشدر. مومی الیهک مخدومی حافظ عیسی افندی مع عائله در سعاده
کله رک دار یجه قریه سنده ایکی جفتک مباحه سیله توطن ایتمشدر.
بر مدت صکره ظهور ایدن روسیه محاربه سنده اردو قاضی اولمقله
محاربه ده شهید اولمش و دیگر روایت کوره تسمیم اولمشدر.
(مابعدی وار)

— تصحیحات —

کچن ۲۵ نجی نسخه نک ۶۲۹ نجی صحیفه نک ۱۶ نجی سطرنده —
چای سلطان محمد دینه جک یرده سهواً — سلطان مراد ثانی — یازلمشدر .
نسخه مذکورده نک ۶۴۶ نجی صحیفه نک برنجی سطرنده — شارل
ورنه — نکه مصرای نهایتنده بولنان — بحزمی — کله سی — عمری — اوله جقدر .
۶۵۳ نجی صحیفه ده بحر — حسین حازم — بک افندی به عائله غزلک
ایکنجی بیتنده کی (روح جوال) اثر سهو ترتیب اوله رق — روح جواد
و — نفسی — کله سی ده یاسز اوله رق — نفس — شکلنده یازلمش اولمقله تصحیح
اولنور .